

救
偏
瑣
言

救偏瑣言卷之七一

涼血撮要訣

問痘如何血用涼。陰血爲榮。畏亢陽。陽亢血熱。陰難養。榮失其榮。燥怎當。始終滋潤方爲貴。色一乾。惟痘必殃。燔灼放標焉得起。煎熬起脹。怎榮光。貫漿時被災。威多安得膿漿貫頂囊。儘有血旺得催成。迅速催成亦板黃。紅暈尚炊囊已黑。燥硬乾痧總不祥。涼血生地必爲君。次擇芩連犀與羚。陰中伏火丹皮徹。血分燔炎散必荆。重須石膏兼蕩滌。由來沸極必抽薪。

輕惟生地與丹皮。荆芥連翹。紫草宜重。可用輕輕勿重。輕重惟於痘上憑。或紅或紫。艷如霞。熱如炮。重莫加。僅若清涼。非重劑。終歸焦黑。斷無差。詳明輕重。熱爲先。熱盛應知血劇焉。熱重涼輕。何克挽。熱輕涼重。恐生寒。紫有黯滯。紅椒色。身反溫。涼熱又潛。毒火潛藏。血又瘀。血瘀寒苦。又非宜。破瘀攻毒。斯良法。火透身燔。方可除。兒體強弱。可無拘。弱體當炎。更易枯。有病病受原無損。聽彼熬煎。痘可知。本體尚爾難固。執首尾何須。又執迷更有亢極。戰如寒。面赤瘡紅。身

極燔火迫大腸頻下利。神煩思冷體炎炎。火湧頭面
赤。驛驛熱血醺。皮痒自侵胃。難受穀。惟思飲。舌刺唇
焦體若蒸。血皆熱。極貌皆虛。參合端詳。顯易知。當事
幸毋云法古。膠持規則誤人見。

清火窮源論

問痘緣何用清火。只因虐燄獨炎炎。不第肺金愁彼
燥。坎宮五液畏其煎。五液所關滋五臟。離宮亦藉有
丹田。萬物化生皆賴水。人身資水更何言。一生一剋
本天成。水火絃關又獨深。木受水生寧第木。金爲火

尅豈惟金。試闡坎離生與尅。痘宜清火殆非輕。

腎主五液一爲涎。涎養脾陰已土安。胃本陽明爲戊土。亦需汁養胃無愆。誰道中央無藉水。但愁甲乙不
愁南。下文詳明。

腎之液入脾爲涎。土雖得火而生。然象中坤無專氣。無定位。寄旺於四季爲已土屬陰。其性中和而喜溫。得腎之液。生發其涎。以滋培其性。而始得運化。消磨五穀。安穀得昌。血賴之而統。唇賴之而華。身賴之而潤。肌肉以之而滋長。已土乃安。胃雖戊

土性固純陽。然脾胃相通。達其液於胃。而胃得有
汁。以見陽中有陰。得以受納五穀。胃庶無愆。不則
俱爲燥土矣。燥則失其爲土矣。以證土之不能無
水可知。痘若火旺。燔灼其液。必口臍如脂。唇裂肌
燥。目胞紅腫。渴而喜冷。口穢噴人。凡屬熱症。類多
如此。木受水生。而土亦賴水滋培者也。火能生土。
火極亦能侮土者也。此論邪火不可容。真水不可
涸。則然耳。若真火不及。客水泛溢。水大而土又崩。
脾所以有惡寒惡濕之理。此五行反復顛倒。其可

不知之乎。總以痘之形色神情見症。及信是而非。一一而參詳之。無不得矣。

腎液輸肝。淚滿涵。長生得水旺。仍然。膽同津液。成爲。脂。滋養。曲直得成。酸。所畏。莫道。惟從。華。火到。燎。原本。盡焉。下文詳明

腎之液。入肝爲淚。肝生于腎。還以腎旺。肝得液養。則能以藏心之血。而滿血之量。謂之血則。目能視。筋能榮。爪能華。手能握。足能步。以之而能定聲。以之而能呼。皆津液外旺之象也。膽爲之腑。一氣。

相通同爲津液之府。得以發陳而主春升。以遂其
直達之性。而總成其爲肝。獨歸乎淚者。淚尤肝之
精華也。淚足則血無不足。人故有過泣。至于淚不
能繼。則血矣。以見血卽淚。淚卽血。木之藉水可知。
不則肝爲槁木矣。痘若火旺煎及其液。肝液沸騰。
目必多淚。其淚必熱。甚則有如脂計。更有流血。舉
一而言。凡肝熱可概。其長生于水固然。而帝旺仍
需于水也。固畏金剋。不知受虐于火。更甚于金也。
崔真人云。火不出則薪存。火發于外。薪之盡矣。

潤而從來剋上炎。誰知作苦反根鹹。今無腎液生心
血。君宰神煩漉。亦艱須解象離。非燥火燥炎不輯白
終燔。下文詳明

腎之液入心爲血。心爲神舍。係一身之主宰。得其
液以養。而神始寧。慮事不煩。處喧無惡。外應舌榮。
內行血海。以見火亦不能無水可知。有言汗爲心
液者。此言心之汗也。有心血而有心汗。所以奪血
者不奪汗。心固屬火象離。離下必需坎應。方爲水
火既濟而成其爲火。是謂坎離交媾。非燥火也。故

分火論云。久而不輯。將自焚矣。痘若火旺。燔其心
液。輕則煩躁。重則顛狂。緩則舌燥。急則黑刺如煤。
或舒或弄。小腸乃心之腑。本同一氣。輕則短縮如
油。重則溺血如膏。舉一而言。其他可知。第知火生
于木。何知水足以濟火也。知水能剋火。孰知火還
以自剋也。

依武本是兌金生。那曉西方得坎成。涕滋氣主根何
在。傳送和調得任因。若遇炎炎尤所畏。由來火熾不
容金。下文詳明

腎之液入肺爲涕。肺爲氣之主。諸臟之華蓋得其液以滋養。通調水道。運行百脉。潤乎一身。分布四體。以輸降下之令。鼻得之而瑩。能悉香臭。咽得之而清。聲音嘹亮。皮毛得之而潤。不至燥澀。大腸爲之腑。因之而傳送。得以和調。大便無愆。以見肺之賴腎可知。不則肺爲燥金矣。燥則不成其爲金矣。痘若火旺。銷燦其液。鼻燥咽乾。皮毛燥炙。便閉衄血。咽痛聲啞。甚至便血。瀉則暴注如射。凡屬燥金。可概。金本生水。抑知金反資乎水耶。虛火剋金。抑

知助水有以制火也耶

南方本畏北方剋縱有炎炎當易滅誰知杯水與車薪那論相生與相剋腎主五液且猶然餘臟當之何足說

詳明下文

腎爲五液之主諸水發源之地其爲水也無成各無定液形其無形乃爲形君兩目瞳神其真水也褚氏云天地定位水位乎中雲興雨降百物生化賴有水焉人肖天地亦猶是也以故腎之爲腎木得之而能生火得之而克濟土得之而能培金得

之而能潤。克之本位。而精髓洋溢。耳聰目明。骨力堅強。炎暑而不畏熱。藏精納氣。以待發陳。諸臟均以賴焉。五行之關乎水也如此。若火之爲暴也。金遇固燥。木遇則焚。土遇雖生。過而又燥。本位過極。而自焚。諸臟之畏其虐也。固如此。其所畏者。惟水。此造物相制之權。五行生剋之理。乃若火旺水衰。燔灼其腎。猶之杯水車薪。日受其燂。其臟必至腦髓空虛。遺精盜汗。骨蒸夜熱。軟弱無力。五色眩而五聲聾。人其失志。面色如妝。失其閉藏之令。反爲

火所竭矣。水且猶然。而何有于他臟也。痘若火旺。煎熬及此。則無臟不銷。無臟不燥。不但重而險。必至逆而莫挽矣。千形萬狀。惡症難悉。大都於色。則灑墨塗硃。於形。則迸裂泡湧。於症。則空竅失血。腰如被杖。於神情。則瞳矇失志。躁亂不寧。其大畧也。人知水能剋火。抑知水反爲火竭耶。知五行生剋之常。抑知水火沍關之與也耶。此論邪火則然。如元陽真火。賴以生發。賴以鼓盪。賴以暢茂。賴以成熟。五行得之。亦豈小哉。

腎無瀉法是真詮養病息火誠秘訣火之爲病其症
暴火之殺人其死卒火有君相局不同君火猶容緩
調燮相火厲局始其然客感邪陽尚難滅痘瘡毒火
種先天更慎暴令交相賊勸君莫把等閒看蹉跎因
循令猖獗猖獗之時枉用功生死安危爭頃刻

清火症治準

欲明清火之理不可不窮其源欲善清火之法不可
不察其症如痘已發未發以至成痂落靨身熱和平
更不見有煩躁乾紅燥烈之症者此痘瘡應有之火

而無事清之者也。犯此煩躁數項，身卒不熱，反有溫涼或有肢冷者，是隱伏之火，先透發以達其鬱，而未可遽清者也。若熱則火發見矣，發見而無甚惡候者，以荊芥連翹丹皮木通牛旁輕以清之，壯熱而煩躁者，前藥加生地滑石甘草，壯熱而乾嘔口膩者，前藥加黃連滑石，壯熱而痘色乾紅色滯者，前藥加黃連赤芍青皮紅花紫草，壯熱而燥烈者，前藥加黃連生地，壯熱如炮而燥炙者，前藥加黃連石膏大黃生地，壯熱而皮毛若刺者，前藥加黃連桔梗葛根蟬蛻紫

草大黃。壯熱而叫喊不已者。前藥加大黃。青皮。赤芍。
黃連。壯熱而鼻衄如泉者。前藥加大黃。生地。玄參。犀
角。黃連。壯熱而溺血者。前藥加黃連。山梔。大黃。生地。
滑石。甘草。壯熱而腰如被杖者。前藥加大黃。牛膝。黃
連。地丁。玄參。壯熱而大渴不已者。前藥加黃連。石膏。
生地。花粉。壯熱而瀉水如注者。前藥加黃連。滑石。甘
草。澤瀉。壯熱而大便欲解不解。所解如漆如膠而愁
楚者。前藥加大黃。滑石。青皮。黃連。赤芍。壯熱而大便
去紫黑血者。前藥加黃連。大黃。桃仁。赤芍。壯熱而筋

抽脉惕者前藥加大黃青皮黃連稍佐小柴胡羌活壯熱而睜毛倒豎者前藥加大黃赤芍青皮壯熱而目紅如火兩頰如硃者前藥加大黃生地赤芍羚羊甘菊壯熱而狂言弄舌者前藥加黃連生地甘草犀角壯熱而痘色紫艷或焮紅或唇舌無皮者前藥加黃連生地石膏佻參壯熱而痘間硃砂症或紫背浮萍或紫黯色或發疔者前藥加大黃桃仁赤芍地丁黃連地龍猪尾膏壯熱而痘有貫珠堆聚或面目預腫或窠粒不鬆或皮肉腫硬者前藥加黃連大黃地

丁紅花青皮猪尾膏壯熱而唇黑如煤舌起焦刺者
前藥加黃連石膏生地依參壯熱而目生翳障或過
期不聞者前藥加黃連生地甘菊羚羊穀精草金銀
花壯熱而發痘瘡者前藥加歸尾羌活貝母金銀花
依參赤芍甘草癰硬而熱更熾者再加黃連大黃地
丁壯熱於放點之時細碎如針砂者前藥加大黃青
皮地丁猪尾膏熱更如火色或礬紅或紫艷者更加
石膏桃仁生地赤芍二三劑顆粒分明色轉紅活可
治壯熱而頭汗如淋者前藥加大黃石膏黃連汗收

者可救壯熱於結痂之後。神情尚楚。他不思食者。必
有餘毒伏而不透。前藥加大黃。地丁黃連。蟬蛻。生地。
壯熱而起牙疳。前藥加黃連。花粉。貝母。玄參。甘桔。調
入牛黃珠末。此症治之大畧也。若夫細微曲折。筆所
難罄。推而及之。無遺蘊矣。痘症始終不可無熱。尤畏
其壯熱。一過當斤。屬水位。或被煎熬。或被沸騰。或
破燥烈。或被焦枯。爲害可勝道哉。但有緩急輕重之
不同耳。因其緩急輕重而因應之。治火無不當也。歟。

涼血清火不拘首尾論

痘瘡涼血清火。於起脹時。人人之能事。至於放點成
膿結痂之際。知之者或寡矣。以爲痘之出。非熱不發。
時方見點。以鬆肌透毒爲主。遽用寒涼。毒冰不發。發
亦不透。如春溫得以生發也。不知正取其溫。不欲其
熱。若春行夏令。時便酷熱。萌芽有不稿乎。是拘於熱
則行。冷則凝之說。誤之也。化育之妙。在不偏枯。獨陰
不生。獨陽不長。毒火旺極。始卽炮熾。五液沸騰。痘賴
氣血領載而出。氣爲壯火所蝕。血爲烈火所燔。痘其
何白而出。徒以透肌升發。俟其起齊而後涼解。毒已

內攻痘其焦紫矣。是謂火裏苗。未有能秀者也。試比一物。其理豁然。譬之欲得乳鴨。煖其卵則生。寒其卵則隱。如欲其煖而置之於烈火之中。以炙之。所欲其可得乎。痘之漿非熱不貫。以氣煦血化而成。如夏熱得以成熟也。寒涼恐氣失其煦。血失其化。而膿漿何自不知。夏熱象離。離下必需水濟。如亢旱之年。惟有烈日。萬物亦自焦枯。血熱其猶是也。亦有疑而相詰曰。失治于前者。其象如此。放點及今。清解已多日矣。從前功力何在。熱毒其猶熾耶。曾聞痘毒出一步。則

內空虛一步。邪熱縱有未盡。當亦毒隨漿化。卽血熱者。不至敗於虛寒。當無事溫補足矣。緣何尚有虞焉。吁。總不知偏枯缺陷之理者也。輕淺者易清。重極者難散。血熱之極者。偏僻於火。期至八九日。如日至中天。歲當三伏。於少陽初起。尚卽焜熾。至此純陽旺極之際。烏能便解。若從前失治者。至此亦無可清解矣。火得一分清。微漿得一分融化。間有平時血旺之人。足以禦火。不至焦枯。迅速催成漿極黃老。然絕無榮活滋潤之意。項平囊實。是謂板黃。不諳其故。而謂膿。

成毒鮮遂致誤焉終亦必亡而已矣論痘之亦非熱
不結俗語謂蒸痘回見火不宜熾始終不可無漿得
肥濃所冀惟在收斂有生長應有收藏亦天地自然
之理痘至於斯用燥濕斂陰實脾利水之劑以助其
收斂結痂自是宜然仍復涼血以助其濕清火以寒
其胃寒熾太過中氣必虧漿卽肥濃不幾始實而終
虛乎痘將何以終局也如曰毒火未清漿何能足化
毒成漿之謂何而猶云未盡也嗟夫是但聞毒化成
膿之說而未知血盡毒解之理化毒成膿蓋言氣化

囊窠之毒也。血盡毒解。蓋言根盤血分之毒也。血有一絲之未收。毒有一絲之未解。氣之振作易。血之成熟難。以氣輕清而無形。血重濁而有體。氣尊於中。氣清頂所以陷而能起。起而能白。白而能黃。漿雖血之體。而鼓盪之權操於氣。氣毒不清。血其物而不化矣。血附於外。血清盪所以紅而能淡。淡而能收。收而能盡。血雖氣之輔。而乘載之體在乎血。血毒不清。氣亦歸於淪喪矣。况云化者。頑而至化。毒將解而猶未盡也。解者。化而至解。毒其盡而無餘也。故囊極融化。根

底血附線紅。其毒未爲盡解。乃若紅暈。癰赤。身熱未退。但見漿足。卽與滲濕收斂。毒卽隨火而乾。未盡之毒。仍歸于內。其腠乾焦燥硬。侵入皮肉。輕則發癰。發癰重則發疔。更有悶亂喘急。而莫可挽矣。可勝道哉。古人云。氣足血收。癰始成功。斯言不我欺也。

附一治驗以見大意

雒城周葵仲老先生一令郎。卽今之長公也。五歲出痘于初夏。大熱如火。煩渴不止。兩頰通紅。隱隱如針砂。身上稠密如鋪乾紅滯色。二三同道以危

疑而推委。變老憂慮而致廢寢食。余慰之曰。毒火
誠烈可畏。幸得發揚治之得宜。當無患者。主翁稱
謝不已。以涼血攻毒飲。加黃連三錢。生地六錢。連
投三頭汁。次日額上纍纍成珠。第燔熱更熾。前方
加石膏七錢。黃連四錢。每服和大桑蟲一枚。時有
徐培老至。與余甚合。是方服及八朝。色得紅潤。前
方減乾葛。蟬蛻紅花。九朝放白成漿。十朝正面便
有歛意。及盤壘未淡。熾熱未和。恐防火禍。重以生
地石膏各兩半。黃連五錢。以制陽光。不令驟歛。毒

復歸于內耳。血熱之症。不慮難收。惟慮熱毒未清。乾收爲患。不得以九回十。同論也。服及十三朝。面痂已老。身曆將半。胃氣漸開。熱亦稍和。有一友用白芍錢許。助其收斂。是晚煩擾不寐。未必因此作祟。見血熱之不可爲收斂計也。次日頭面赤腫。身熱復熾。煩擾如初。是餘毒湧發之象。悉如前方加蟬蛻。日服三頭汁。次日十五朝。發出血疹紅癰。自頭至足。無不徧及。夜卽安睡。神復開爽。而熱未和。是方服至十七朝。方得霍然。以忍冬解毒湯加

羚羊殺精草。以目白紅也。廿朝外全愈。

分別毒火論

毒與火自有相因。亦自有不同。有火者。必其爲毒。有
毒者。未必其皆火也。毒盛而蔑火者。有之。未有火盛
而毒不盛者也。如血熱。毒盛者。血屬陰。爲寒。陰且熱
矣。有陽而反寒者乎。其爲毒也。自火。故無有血熱而
兼氣虛者也。是火卽是毒矣。如氣虛。毒盛者。氣屬陽。
爲火。陽且虛矣。有陰而反熱者乎。其爲毒也。又寒。故
不見有氣虛而兼血熱者也。是毒與火無干矣。然虛

者。固未有不寒。卽毒之實者。求必盡出于火也。是以
苦寒之劑。自無投于氣虛之理。卽毒之雄猛者。亦還
宜精察而明辨者矣。譬如梟毒而濟烈火。並行交迫。
治火治毒在所並進。不容偏廢。有如毒重而火輕者。
治必因其輕重而輕重之。不得混而無別。有如毒火
太重。而致遏鬱者。必先攻其毒。而後清其火。宜知先
後。有如無症不實而火無可據者。不得以實爲火。妄
投寒劑。致毒凝而冰伏。甚哉火毒之不可以不辨也。
○凡痘囊窠蒼老者。其毒爲實也。老而踈朗者。毒輕

者也。分珠而密者，毒盛者也。既密而間貫珠堆簇成形成象者，盛而尤重者也。密而不成顆粒，與稀而形象繁多，更見要害之地者，煩多不起者也。毒雖猛而能起能脹者，毒其見于外也。痘雖稀，陷而板實者，毒其伏于內也。○凡痘紅而色老者，實火也。老而能潤者，火實而輕者也。老而色乾，或紅而絳色，紫若胭脂者，均火之凶暴者也。紅而更黯，紫而更澁，俱淪于莫挽者也。以見毒辨于形，火呈于色。然毒之輕重見伏皆在于形，火之輕重見伏全不在乎色也。又當於體

膚之熱與不熱以證其見伏○如徧體壯熱者火其見于外也。色卽紅紫而體膚若涼者火其伏于內也。身壯熱而肢獨冷者因氣滯而火偏伏也。有身燥熱頭汗如蒸者火上湧而毒參陽位也。有靜則燥炙動則汗洩者火閃竄而無定也。是火與毒之呈于形色昭于體膚者如斯。乃若神情見症亦未始不昭其辨也。如愁眉蹙額者痛也。諸痛皆毒叫喊不已。皮毛若刺轉側呻吟屈伸甚楚。脉惕筋抽。衣衾難動。便時艱塞而容愁。卒然啼號而聲厲。此皆痛之象而毒之徵。

也○如躁亂不寧者煩也諸煩皆火不耐衣食夜不成寐惡聞人聲惡見人形若欲求食食之而又不欲似欲思安安之而又不樂此皆煩之象也如皮壅肉腫者滯也諸滯皆毒鬱悶不舒身如捆綁胸填腹滿面目頂腫通塞不均此皆滯之象也如唇焦舌黑者燥也諸燥皆火大渴不已口內如爐溺血便紅憶水思冰狂言語語此皆燥之象也是痛是煩若滯若燥總歸於以熱爲見以不熱爲伏也○治毒之法審其輕重爲先輕而發見者治之以解散輕而隱伏者治

之以透發。重而發見者。輕與之攻。而重與之散。既重而
又隱伏者。重與之攻。兼透而兼散。治火之法。察其
隱見爲先。發見而輕者。治之以涼解。發見而重者。治
之以苦寒。隱伏而輕者。輕與之攻。而重與之散。隱伏
而又重者。重與之攻。而兼與之散。攻毒不嫌于早。治
火其於適時。攻毒當厄。可以該治火之効。治火失宜。
更有以妨治毒之功。假令失于清火。其必紅變乾焦。
紫變焦黑。可勝道哉。外有當然之火。自然之毒。又非
一概論也。有如痘脹而頭面發腫。眼封鼻塞。漿滿而

身重難移。肢浮體胖。項大聲粗。回漿發臭。此非自然之毒也乎。氣領血載。非熱何能達表。氣煦血化。非熱何能貫熟。漿老成痂。非熱何能收結。此非當然之火也。乎。只合行其無事而已。亦何分別之有。

救偏瑣言卷之八

論行漿

痘之體始終一血而已。痘之用始終一氣而已。血之
體成漿。氣之用化血。漿之成血。血之化。氣之
虛也。氣虛血化而漿始成。漿老則爲膿矣。血不得氣
則頑而不化。氣不得血則鼓吹無地。氣血虛餒則寒
凝不振。毒火燔灼則氣血沸騰。氣爲毒錮則氣不動
盪。囊窠不鬆。平陷乾焦。血爲毒錮則血不融通。盤暈
不活。乾紅紫滯。血足而氣不足。歸附厚而囊薄。漿不

克溢氣足而血不足。稟粒壯而暈淡漿不濃厚。以見
虛則乏其本。而漿無所化。實則受其虐。而化不得行。
是則行漿之理。有當制以洩其過。有當助以補其不
足。不可專以保元爲則矣。然補與瀉之形色症狀。不
可殫詰。卽逐一指之。未必無似是之誤。約之於虛實
之的。則靡弗齊也。虛則斷無熾熱之理。熱劇似寒。則
有之。未有虛而熾熱者也。實則斷無皺濕之象。虛而
乾樵則有之。未有實而皺濕者也。是謂江河一點血。
辨別虛實之妙訣。不必拘其便與食。戰與涓。作痒責。

以氣交牙。責以血。紛紜雜揉之象。悉於此而總括矣。
痘無可議。漿忽停駐。此必因調護失宜。飲食失節。起
居不時。香穢阻寒。是亦不可不察也。

論補氣

問痘如何用補氣。形色神情症悉虛。氣虛之痘。身不
熱。縱熱溫。和非熾烈。胃寒伏火。儘多涼。形色現症是
迥別。氣虛之痘。色不紅。縱紅嬌艷。不蒼實。血虛血鬱
白恒多。非若氣虛終嫩色。內虛不振。少克肥。或平。或
陷根盤癰。皮薄肉軟。嫩溶溶。到得成漿。漿不濃。漿未

稠濃頂未滿。進退浮沉。漿忽停。輕不肥濃。不蒼蠟重。若錫皮如灰白。儘有漿色。亦堪回。到得收回。不能結。儘有漿薄。望堆沙而不堆沙。腫欲斃。亦有當頂如針。刺漏出清漿。頂陷白。亦有痂薄。痘疤凹。疤色淡白。無血澤。神情懶倦。語話慵重。語聲輕音澁澁。氣虛之症。亦繁多。總無烈火灼皮膚。惟有濕潤無燥烈。脉微緩。弱無數實。此痘若還有別症。種種將來作虛論。不惟寒戰助元陽。痒痛方思固氣分。縱有似熱正由寒。寒極生熱。古論定。毒即留連總屬虛。治毒亦須還養正。

呻吟不寐莫猜煩。累日不解毋虞結。眼封日久非毒
壅。求飲頻頻豈火渴。推之疑似且無差。明明虛症尤
易識。知其虛寒看輕重。重不早圖必虛脫。

論補血

問痘如何當補血。色不榮兮嫌淡白。囊殼僅僅非空
飄。囊竟空兮補何益。盤皴歸附亦不厚。竟若無盤難
轉易。補血之功較氣難。氣主神兮彼屬體。點點有形
難促致。長養工夫由平素。放點一見色欠紅。便慮成
漿漿不濃。漿若不濃毒不盡。毒一不盡多別症。即使

收回靨必薄痘痂飄薄疤亦白。凡見血虛須預補。根
得紅。今漿自足。漿足收回痂自厚。疤得榮。今皆血力
始終得血。體無虧。體若虧。今必令實。有孩稟賦素血
虛。有兒本質多內熱。恒有痘與娠相逢。亦有痘與經
相值。又有善舛。慣腸紅。儘有疹後痂方歇。此等皆令
致血虧。放點雖紅。終慮白。血熱宜攻。毋問體。血虛偏
宜顧本質。欲審其虛。人必清。唇口溫潤。無燥烈。痘無
點。點雜其間。按其證。膚無熾熱。不則縱使色不紅。是
爲痘中血鬱白。的。與虛。苟與歸。倍用酒蒸淮熟地。

血鬱用芎反提火歸味辛香反助熱白芍酸欬尤不堪熟地庶幾終臑隔若使血虛兼滑瀉歸地潤腸亦不合惟有嫩鹿茸爲良佐以川芎功莫及參芪同用亦相宜由來氣有生血力。

論實表

何爲表。腠裏是也。何爲實表。固氣是也。氣爲一身之衛。肉主克塞。外護腠裏。氣虛于內。則餒而不克衛護。無力而致表虛。表虛則腠裏不密。而氣難存。養氣又因虛而致虛。而虛愈甚。故表虛之症。客感易侵。已發

未發之時若有表症。便當疏邪實表。以豫防其起發。不振起發之後。痘之虛象立見。便宜扶元固氣。以豫防其痒痛之患。漿得過半。稍可以回。卽宜與飲。令氣還元。以豫慮其虛脫之地。不拘痘之首尾。兒之厚薄。但看神情懶倦。身體溫涼。面顏眊白。二便清利。唇口不乾不燥。凡此景象。按之體膚有汗者。是表虛也。若有表邪。不可專以疏散。及見囊薄脚軟。色或淡白。或嬌紅。漿清痂薄。絕無燥熱。雄猛煩躁。乾紅板實壅腫之象。卽稠密毒盛。不宜清涼。亦不可專以解毒。悉以

固氣實表爲先。稍兼佐理可也。

論健胃

人以飲食爲命。經云地食人以五味。味有所藏。以養五氣。氣和而生津液。乃成津液者。誠資生之源。成身之本也。是以安穀則昌。必得胃氣強健。乃能受納。故人以胃氣爲本。痘瘡初放。便能食者。是爲裏實。夫固爲順。卽不能食。毒尚未透。邪害空竅。故未之思。未足爲虞。痘若已齊。毒其盡行於肌表面。內空矣。空則宜思。儘有不食者。其胃弱也。何疑。至於成漿。則一身之

精神發洩於外。一身之氣血。耗散於痘。其內尤虛矣。尤賴飲食相繼。濟其空乏。庶克有終。至此猶未作想。卽勸勉之。而終不知味。亦不能多。安望其成痂而結。局也。宜以保元湯。加山藥。豌豆。姜棗。陳倉米。以開助其胃。如身涼。身倦。重語聲。輕漿清。色白者。保元湯加白朮。木香。當歸。陳皮。姜桂。大棗。陳冬米。以醒豁之。更有淡白。皴濕如嫩腐皮。頭溫足冷。痂後目無精彩者。前方更加熟附以振之。痘若虛之劇者。不必待其起齊。成漿時。方思開胃之地。發始之初。便當早爲之計。

者也。必須以痘爲準。不見惡形。惡色。不見一切燥烈之象。以症爲憑。不因毒侵火擾。不因一切閉塞之故。方可健胃。不則不可以常理論也。

附一治驗

丁巳先君治一痘。十二歲。皮薄色淡。頂平脚癰。始以透發。繼而大劑保元湯。加芎歸。淮地膏。得以成漿。至十朝。不思飲食。主翁疑以過補。先君曰。果爾。漿必蒼老。痂必燥硬。體或煩熱。種種反是。焉得云過。以納穀散。重以參朮各五錢。胸膈豁然。胃氣大

開。無物不想。收。痲落。屬而愈。

論安神

心藏神。得血而寧。神寧則睡自安。安睡而神又足。兩
相需而兩相輔者。諸病剝而之復。皆以睡中來也。血
虛之體。痘兼稠密。氣虛者。有儘血化漿。而血無餘地。
血熱者。有腐爛作臭。而侵淫日久。皆有以致血空。虛
而神無所養。恍恍惚惚。不能收攝。而睡何能安。雖曰
靜則神藏。寐固主靜。靜中之神不守。殆不令其藏矣。
驗其症。於漿必清。於痲必薄。色必淡白。體必溫涼。一

切燥熱之症。自不相涉。卽血熱者未必如是。然人必
倦乏。目必少神。重語聲輕。色必乾焦。一切雠烈之象。
自是銷鎔。症難悉抗。類多如此。一似傾國之兵。一似
强弩之末。總歸虛論。法當以安神散治之。兼別症者。
隨其症而損益焉。要不外以安神爲主。

附一治驗

戊午一錢氏女。年十五。適值經後。痘出甚密。鬆而
囊薄。紅淡而乾。身體溫。和。人若失志。睡中時獨語。
二三句。氣血兩虛。心神不足之症。始以養榮透毒。

湯四劑後痘雖起發形與色俱不振四朝卽以保元拓裏人參每劑二錢至六錢黃芪四錢至一兩芩歸熟地亦俱重劑服及十朝漿僅七分十二朝寢食得半痂不甚厚疤欠光澤十四晚徹夜不寐語言不清而無頭緒父母疑以過補使然果爾身必熾熱氣必雄猛痂必燥硬渴而思冷脉按洪數有力如是不寐方是火毒內擾種種反是緣以痘本不足而又值經後明屬心舍空虛以寧神解毒湯加栢子仁用參四錢二劑卽愈

論血虛咬牙

齒者骨之餘。賴血榮養而得安。榮養而欲及其餘。其及亦不易。故其生也獨後。未衰而卽落。况血難盈而易虧者也。是以補血之功難。當養於平素。痘瘡初出。一點紅。卽血之體也。得血而載。得血而漿。血虛之痘。八九日後。其血悉爲漿耗。何能有餘地以榮養其餘。所以齒牙妄劇而相鬪也。此蓋血虛使然。以保元湯大劑。芎歸淮熟地。更用嫩鹿茸煎膏。以補其缺陷。斯爲良法。此必漿後而見。尤無毒火可踪。纔合是症。

附一治驗

庚申一兒四歲。痘在八朝。漿色淡薄。而滯根盤紅。淡而乾。神倦而不容安。似躁而不能逞。身涼指冷。咬牙不已。兼有戰意。驚可立待。厥父母呼天號地。始事者曾以保元輕而無效。余用參三錢。芪四錢。嫩鹿茸膏。淮熟地膏。各半。蒸熟。附五分。佐以芩。歸。外山查三錢。以行其滯。連進二頭汁。更以大桑螵。一枚。服後。若時雨之化。薄者厚。淡者濃。滯者潤。冷者溫。咬牙頓止。神情遂開。嗣後去茸附。前劑分量。

減半十二朝左臂發一瘧以忍冬解毒湯調治收功。甲子以來是症不概見矣。

論氣虛寒戰

痘瘡何自而寒戰也。寒則陽虛可知。陽虛則氣自不足。虛劇則戰自作。氣爲體之充。充達於外則密護腠裏。所以爲衛。充實於內則元陽中守。衝寒不冷。所以爲陽。痘故得以領達而出。毒故得以鼓盪而化。漿故得以成熟而黃。亦何寒戰之有。若氣虛而痘密。以有限之氣而周給一身之毒。發始尚苦于不振。至毒出

一步內虛一步。痘得起齊。而中空空矣。漿未稠濃。而發皇已盡。頂未滿足。而力量已虧。其不寒戰得乎。故氣虛之痘。於放點時。細察其無一切躁熱之症。皮薄色淡。頂陷脚癢者。卽宜預防是症。須知三禁不宜寒涼。不宜疏散。不宜過發。於放白時。便當保元。稍兼解毒。務令養正。以化毒。症若已犯。以大劑參芪。佐以鹿茸。河車。稍加肉桂。寒極而戰甚者。更加熟附。以回陽。然必驗其囊窠飄薄。淡白無神。體倦人靜。甚則錫皮灰白。鼓領搖唇。皺濕如濕腐皮者。方合是症。

附一治驗

余荆已酉仲秋忽壯熱如火。次日卽見痘。細如芥子。色似胭脂。余是時未諳此道。先君以升麻葛根湯加蟬蛻山查牛旁而升發之。二劑後狂煩譫語。先君以犀角地黃湯加荆芥木通蟬蛻以大桑蟲一枚三劑後熱卽和。神卽靜。周身起脹而頂卽白。以見曩時毒火之易退。聽如此時懷娠七月。惟恐裏虛。卽以保元湯加芎藭淮熟地白芷姜朮。日投二劑。每劑用參二錢。其如痘密無縫。氣血不繼。至

八朝頭面灰白如錫皮。通身渾如嫩腐皮。無二搖
頭鼓領寒戰非常。危在瞬息。先君以參芪各一兩
芎歸各五錢。熟附二錢。肉桂一錢。熟地膏二盞。傍
晚投下。戰卽稍定。沉沉睡去。至夜半大有轉機。醒
來思食。與粥兩碗。不饜所欲。次早又一劑。午後通
身漿足。身體和暖。不復戰矣。前方去桂附參芪減
半。十朝腐爛作臭膿水淋漓。以敗草散散之。約用
一斗。飲食大進。神氣日爽。以參歸化毒湯全愈。論
胎前熱劑。在所大忌。况桂附而重用乎。然痘犯大

虛大寒而不權其當務之急勢必不起可有身外
之胎乎母安則子安理蓋如此又當究其所以宜
爾者以其灰也白也濕也皴也身涼而神蕭索也
若是亢極作戰而混治焉其害可勝道哉。

論氣虛作痒

痘症惟痒最惡禁止能定者猶可以修爲若身不自
主必搔破而後已者是爲外剝毒卽入裏不治何以
辨其爲氣虛耶見點之後三日之間頂陷而兼囊薄
身涼而復色嫩者是也然氣虛何以致痒耶蓋氣能

蓄血而使歸附圓淨。尤能鼓盪而使血化成膿。膿成則毒解。尚何痒之有哉。惟是氣既已虛。而血當其旺。是血有附氣之能。而氣無制血之力。致血肆溢而不得歸附。焉能化血而令成膿。血味且鹹。醃螫皮肉而痒自不能已矣。治痒之法。一見其象。卽以保元湯加姜、蚕、白芷。隨症宜加。而佐之。庶杜患于未萌之策。如痒已作。倍用黃芪而助氣。稍加白芍以制血。其痒卽止。鋪紅如錦者。又當重加生地、荆芥以清徹之。悉用大桑蟲以鬆透其毒。面上破傷者。急以胭脂膏封貼。

肢體難禁者。以荆芥穗研末。捲于紙條內。點火燂之。或以炒黃豆盞許一包。乘熱撲之。或以茵陳爲末。與爛紅棗同搗成餅。燒烟薰之。亦治標之法也。

附一治驗

嚴貞生兄。一公郎三歲。出痘于壬戌八朝。清漿未半。而痒沸。禁止不定。面幾破碎。眼將露縫。大便艱塞。糞少垢多。日去三四次。囊窠嫩薄。體不燥熱。紅暈則肆溢如霞。身無安放。所謂氣虛血旺者非乎。至煩解多垢。總氣虛不能化毒。毒不成膿。而故垢

從便出也。急以胭脂膏貼其兩額。用淮生地五錢。安置其血。人參三錢。黃芪四錢。振作其氣。姜蚕白芷大桑蟲爲催藥托頂之佐。白芍五分。束其遊行。山查四錢。木香三分。以行其滯。傍晚投服。卽睡着。夜半又一劑。次早盤卽歸附。漿卽肥濃。眼縫推脂。正而堆沙。便亦減半。嗣後收癰落靨。不脫保元清鮮。易若破竹收功。

論脾虛作瀉

痘犯氣虛。初朝以至七日候。一身之氣血盡發於外。

內已空虛。嗣後之成漿收斂。所望于將來者。是在人
事之調劑。以繼之。須知氣虛者陽虛。以陽虛之痘。而
陽發于外。內乏溫養。可知脾喜溫而惡寒者也。既失
其養。宜預防其泄瀉之患。魏氏之保元。陳氏之異攻。
宜量度而取之者矣。若已泄瀉。則真元傾洩。務必乘
虛入裏。反攻于內。變症蜂起。危孰甚焉。亦必察其輕
重緩急。而因應之。如第不實者。可以參芪茯苓陳皮
木香甘草姜棗以實之。如滑瀉者。前方加肉蓯肭子
以止之。如不惟囊薄而且皴。不惟色白而且灰。手指

此作五言 卷八 三 其建堂
稍冷者。氣血中宮虛劇也。前方重以參芪。加鹿茸。少
許鴉片以振之。其或四肢厥冷。搖唇鼓頰而寒戰者。
此元陽幾脫之象也。前方加桂附。回陽反本以奪之。
是症與治。必詳察真確。而後施無不當。若臧次仲之
症。是一驗也。其或體熱燥烈。煩渴乾紅。焦紫痛楚。嘔
寒等症。卽次數無度。純利清水。此是熱毒下利。不可
言馬駝背也。自甲子以來。脾虛泄瀉之症。間或有之。
不概見矣。情乎知之者寡也。

又一治驗

馮素若一公郎三歲其時丁巳痘出甚密入靜身
溫。囊殼不老頂白而不肥盤紅而乾淡六朝眼合
不緊鼻塞而鬆起而少脹夫固已見氣血兩虛矣
七朝滑瀉日去三四次淡黃其色口渴不已停飲
于中宮水聲漉漉又見土虛不能制水矣始事者
因燥渴乾紅且囊殼無漿不敢實脾恐益其燥不
知燥而實者火爍金也宜制陽光而金自平燥而
虛者土不生金也宜固中央而燥自解况痘賴氣
煦血化而成漿氣血之源在于脾胃今瀉而身溫

渴而停飲紅而乾淡囊薄而靜種種不足見乎其間焉可齊其末而不揣其本也以實脾固本湯用參二錢加黃芪三錢薑棗連投二劑轉機及半又二劑十轉其七漿不甚濃却亦堪回嗣以五味異功散加防風白芍收結而愈是症今不慨見矣

救偏瑣言卷之九

論痘變症有不常不古

痘於察形驗色之外。其虛實寒熱則據症矣。然形色不一。症更繁多。一形而數症因之者有之。一色而諸症出焉者有之。症之所以謂變也。症同繁多而變又有變中之常。變中之變。常者與形色相符。依日期而至。其症著見明顯。變者首尾偏峰。與形色兩截。其症深藏隱伏。如痘屬血熱而實症迭乘。痘屬氣虛而寒症竊發。此變症之常也。假令痘本實而症若虛。痘本

虛而症若實。此變症之變也。漿前而客症多端。漿後而本症雜出。此漿前爲實。漿後爲虛之常變也。放標而卽餒乏不振。結痂而猶熱毒留連。此偏枯陷溺之異變也。陷常不容作聰明。變不可傍矩矱。氣虛劇者。無症不虛。血熱劇者。無症不實。常症卽愚者易知。變者卽知者當之。苟不細細參合。一一端詳。亦有未易明焉者矣。虛實寒熱之症。自古有之。但虛寒多而實熱者少。實熱之症。漿前猶多。而漿後尤少。至虛實寒熱之變。似實熱而虛寒者。容或有之。似虛寒而實

熱者未之有也。自甲子以來。大運在於相火。放標以
至落癰。虛寒之症。十不一二。梟毒烈火。十居八九。似
火似實之症。百中無一。似虛似寒之症。無不皆然。症
至於實熱。而似虛似寒。非至極不爾。以至極之症。工
力有一未盡。尚棄井於九仞。令是非之界。不之明辨。
工力先無所施矣。貿焉從事。以規則。是傍不幾以非
爲是。而妄投湯劑也乎。矧誤用溫補。人所易從。不至
覆敗不已。如此殘害生靈。何其慘毒。總由於是非莫
辨。余故列似是之症。詳辨于後。庶不至誚燕而南向。

也。

痘症變幻總論

症莫暴乎血熱。血熱之症。發見者易知。隱伏變幻者。難測。色似胭脂。便鞭謔語。狂煩躁亂。唇烈掀腫。頰紅面赤。發渴不已。皮靡肉腫。痛楚難堪。形圓頂綻。一迎睇而莫掩者。至於血熱反常。似虛似寒。人不知之矣。有身涼色白者。有皮薄頂陷者。有昏沉如倦者。有四肢厥冷者。有寒戰咬牙者。有漿後煩解不食者。有痧後而夜不成寐者。有痘後而汗洩不已者。此等皆似。

虛寒而執知非血熱之劇不至如此。蓋緣熱伏于內。毒藏于中。以故難以測識。所謂陽極似陰。火極似水者也。據其色。猶必合其形。驗其外。猶必參其內。內外詳辨。容有未悉。更復察其神情。脈理。則其所疑似而隱伏者。自莫能逃矣。氣虛難辨者。亦有之。終不若血熱之變幻多端。令人莫得其故。且痘至疑難。人多疑其虛。不疑其實。況痘易趨于補者。失補而致誤者。猶少。惟此慘害生靈。迷而不覺。倍于虛者。十居八九。敢以似虛之症。辨之以鳴同患。此成敗之關。生死之界。

未必無小補于痘也。

論火毒咬牙

咬牙屬血虛症固有之不知毒火潛伏於肝腎者與血虛者更甚毒火雖盛暴厲而發揚者當無是症卽伏而在別臟者亦不患是惟在肝肝則藏血而養筋骨在腎腎則主骨而生肝還以血養是猶唇齒之邦兩相輔而兩相需者况肝應春陽腎應冬藏升沉之臟兩受其虐而失其和齒其妄劇而自闕矣猶是闕也虛者聲鬆彼則聲緊虛者在於漿後彼則於放點

時而卽相戛痘當初放卽血虛者血於何耗而便及此則其受虐於毒火也可知不必辨其形色症狀神情而已昭然矣但察其痘色嫩紅而熾熱者以清涼攻毒飲減紅花以涼解之痘色乾紅或紫滯而身不熱者以涼血攻毒飲以透達之不拘嫩艷乾滯熱與不熱凡有諸般痛楚及內症凶暴者以必勝湯熨艷者減桃仁紅花地龍乾滯者加紫草以攻逐之有出而未暢者通加大桑蟲蘆笋以透之成漿後者通以化毒丹調入牛黃珠末以解之至痘之日期體之厚

薄不可執而論也。如王含叔之愛一證矣。不贅治驗。

總 毒火深潛腎與肝 升沉二臟擾何安

訣 齒牙相戛聲何慘 透解潛藏自貼然

論血熱作痒

諸痛爲實。諸痒爲虛。又云氣愈虛而愈痒。所以然者。以氣本虛。毒原不熾。氣虛則正不勝邪。無以制化其毒而固然也。以故治痒之法。必從補氣。有血熱毒盛而痒者。大相懸矣。蓋熱毒壅於皮肉。氣爲遏鬱。血被煎蒸。氣非不足也。鋼之則陷于無用。血非自熱也。灼

之則迫其遊行血味且鹹遊行皮肉痒之所以作也
以清涼攻毒飲滅紅花量用大黃重以石膏生地以
涼解之以殺熱毒之勢庶氣血不受邪虐氣得以化
血血得以成膿何患乎痒之有哉是謂實者虛之正
妙于實者也今人不審虛實執古方而泥成說凡遇
痒症概以參芪投之不應責以補之力薄遂思重劑
以勝之氣不受補而毒火愈熾愈熾而痒愈甚矣嗟
夫何異抱薪而救火也然果何以辨其爲毒火耶曷
不觀形與色內與外之呈見乎同一色也虛則白而

實則紅，卽同一紅也。虛則嬌而實則滯，色之不侔已較然矣。再觀其形，虛者皮薄而濕，實者皮厚而燥。按其體膚有溫涼熾熱之殊，察其神情有倦乏躁亂之異。一殊途種種各別，更或兼之於痛楚，或熱如炮烙，若前方重以黃，或色若胭脂，諸般失血者，前方加桃仁，正面稍有擦意，不拘破與不破，卽以化毒丹調入油胭脂內，用綿紙貼之，須令嚴防，勿使抓破。破而血得成流者，猶幸無恙，破而乾赤，皮如剝去者，無可生之理矣。凡放點時，熱一如炮，不分界地，或歛紅。

或紫艷卽當預爲之地重以涼血急以清火內症猖狂者尤宜速與蕩滌不可臨渴而浚井也外有調護過煖助火而致痒者急令撤其重圍或減其衣被處之清爽而痘自安若黃憲副一公郎足證不贅治驗

總 實痒紫艷或焮紅 燥烈皮蒼毒火擁

訣 血被煎熬氣被遏 輕宜涼解重加攻

論熱劇寒戰

痘瘡寒戰似無區別孰知有先後之分關虛實之異先寒後戰者寒極而戰虛劇之象也先戰後寒者戰

極而寒。熱劇之象也。故戰不可概以寒視。寒不可概以虛論也。氣虛寒戰。前已陳其概矣。更以熱極作戰。戰極而寒者言之。火之爲火。其性甚烈。其發甚暴。喜散而不受遏鬱。火雖熾而發見者。徧體皆熱矣。雖熱而身靜。以火得順其性也。熾而劇則遏鬱矣。鬱則拂其性矣。以暴烈之性。欲達而不得達。則氣血與毒火互內搏激。其能免身之不振戰乎。猶之水沸于火也。身雖戰振。其面必赤。其體自熱。戰之不皆出于寒也。明矣。火鬱固戰。過鬱則寒。是熱劇反見水化。如強酒

於不能勝者。反爲酒所寒矣。酒性豈寒者哉。夫亦因其過而致反也。身雖惡寒。肢雖逆冷。其氣必雄。其神自躁。痘必紫滯。脉必沉數有力。寒之不皆出于虛也。又明矣。凡血熱之痘。熱極作戰。不問別症。不拘首尾。熱如炮烙者。以瀉黃散主之。量症加減。如身體反涼。更喜溫煖者。熱毒深藏固閉也。以散火鬆毒飲。隆冬加炒黑麻黃二分。先達其伏。毒火鬆透。身必熾熱。方以瀉黃散清之。或兼諸般痛楚。或空竅失血。或熱如火熾。皮肉腫硬者。不拘熱與不熱。必用大黃以宣暢。

之庶不至毒火內擾而至攻潰也。

總 寒戰陽虛自古云 熱極水化以知音
訣 若還悞認陽幾脫 火上重油禍匪輕

附一治驗

一兒三歲痘在八朝。膿漿滿足。盤暈炊赤。忽生振戰。衽席皆動。按其身熱如炮。此亢陽作戰也。以清涼攻毒。飲用石膏五錢。生地八錢。黃連一錢。大黃五分。減紅花地龍犀角。加姜一小片。以行重寒之劑。連接二頭汁。其戰即止。又二劑。紅暈漸淡。至十

二朝熱得和平。收功弗藥。

論熱毒下利

痘出於肌肉而脾爲之主。脾氣實則精神內固而外旺。痘必易出易漿易靨。若泄瀉則脾弱而內虛矣。痘必有應至不至之虞。變症由此而出。而脾顧不重哉。以故泄瀉之痘。一切寒涼清解之劑。在所必禁。然非所以概熱毒下利之症也。熱毒太盛。其毒不能盡行肌表。勢必畱滯而內擾。喜內實不受邪侵。注於大腸。大腸爲傳送之官。不受毒害而第逼迫于中。頻頻下

利雖若與泄瀉之相似而實與泄瀉不相侔。瀉者滑而不禁。彼則艱而閉塞。瀉者溏而不實。彼則凝結如膠。亦有純利清水者。或穢氣之不堪。或便色之雜出。或眉愁而腹痛。或躁亂而不寧。辨痘之色。輕則乾紅。而重則紫滯。驗痘之形。輕則鬆綻。而重則板實。卽在收靨結痂之日。何莫非餘毒之使然。視其痂皮則燥硬。按其體膚則燔灼。口內或膩而成疳。目睛或紅而有腫。如是而投於香燥止塞之劑。不猶之欲北路而南轅者耶。燭其故而清其源。輕者解毒鬆滯。重者清

火攻毒。使毒火不至內擾。而腸胃清寧。便不止而自正。脾不實而自實矣。若以瀉治毒火。愈熾愈壅。七日。前立見乾枯焦紫。而膿漿無望矣。七日後。餘毒無歸。胃氣閉塞。喘急煩躁。而終斃矣。貿貿焉。見其頻解。而不究其所由。亂施死方。我之所不解也。

總 熱毒衝腸。便自頻頻。喜腸傳送。毒難侵。
訣 頻頻欲解。仍艱塞。誤認脾虛。終內攻。

附一治驗

朱元卿一長公。幼時痘。犯血熱之症。自放點。以至

成膿。極其涼血解毒。清火漿甚濃厚。至收靨時。大便忽頻。日去二十餘度。至次日難以數紀。乳母與婢輩苦以穢惡不堪。嫌以寒涼太過而然。烏知熱毒下利之理。果因寒涼。身體不宜熾熱。唇口不宜焦裂。神情不宜煩躁。痂皮不宜燥硬。今種種其然。脾豈虛寒者乎。以瀉黃納穀散加地丁金銀花貝母。服至十四朝。左額頻起一大癰如桃。大便卽止。諸症減半。更以牛黃一分。珠末二分。調入化毒丹內。用貝母湯送服。十六朝膿自口出。前方減生地。

加連翹甘草十八朝全愈是症難以筆記聊附其一以證其槩耳。

論胃熱不食

痘不思食固有胃弱而不納者。尤有邪熱犯胃而不
思者。要其虛與熱之別。總以痘爲憑。以症爲準。痘屬
氣虛爲虛。痘屬血熱是熱。更參之於當下之症。與見
前脉息一一而詳合之。自無不得矣。不可以日期爲
則。以漿前爲實。漿後爲虛。尤不可泥于胃強則納之
語。而槩以虛論也。槩以虛論固不可與語。道拘于日

期亦非爲調元之手也。何也。氣虛之痘。漿雖未行。其中氣已虧于不足。血熱之痘。漿雖克滿。而清氣尚受夫邪迷。又有自放點以至成膿。飲食不減。至漿後而胃氣忽閉者。漿豈未化而毒輕已化而反重耶。蓋痘之始終。合天地四時之氣。前七日其毒升發起脹。自內達表。猶春夏生長之令。毒不太盛者。其毒得盡行肌表。胃氣自清。其故飲食如常。七日後其毒成膿漸歛。自外收內。猶秋冬收藏之令。毒得盡淨而收。胃氣終清。若毒有未盡。痘隨火歛。是謂火褐。非正收也。火

毒內歛。胃得終于思食乎。其痘膿雖老而紅暈未收。痂雖結而焦燥難脫。身多壯熱。脉自洪數。與胃虛不食。遠隔參商。凡痘身熱未和。紅暈未收。漿雖極老。不可與歛。若與歛之。不啻胃受火閉。一項般般餘毒。不可勝紀矣。務宜重以生地。佐以黃連。丹皮。荆芥。牛旁。木通。甘草。熱如炮烙。盤暈。焮紅者。更加石膏。俟其火毒清解。聽其自收。自無不開之胃。如以始爲熱而終爲寒。始爲實而終爲虛。一以參朮姜棗之類以補之。如火益熱矣。今之不食之症。徃徃如是。若章繼翁之

症。臧比老之郎可鑒矣。外有飲食過多。或痰凝氣滯。與夫寒邪阻塞。暑熱干犯者。皆令不食。此痘外之雜症。非氣虛血熱之所致也。然以神情症狀。并日逐調護而審其故。昭然于心目矣。治驗不贅。

總 百凡飲食最爲先 不食應知各有緣

訣 胃虛不食身涼靜 胃熱人煩體自炎

論火擾不寐

痘有夜不成寐。在七日前者。人皆知其爲邪熱內擾。至成漿後者。皆責以心虛矣。豈不曰。血化成膿。而血

爲之虛耗。膿成毒解。而邪熱俱已消融。不知血虛而火毒不甚熾者。理固然也。深藏猛烈者。漿非不足而漿不能盡其毒。火非不洩而洩未能罄其藏。外雖成膿結痂。而內之餘炎未盡。臟腑未得清寧。況心爲君火。以火遇火。較之餘賊更不能容。且當收斂之時。非若漿前發揚之候。此蓋心被火灼而然。身必壯熱。人必強。揚唇或燥烈。痂或燥黑。症亦不能枚舉。種種皆類是也。較之心虛不寐者。自是迥別。明者察其毒盛則解之。火盛則清之。或透肌。或涼血。俾邪熱得以洩。

越有發疵疹而安者。有發瘡毒而寧者。有於疔內復
泛而得熟睡者。是皆毒有所歸。而神自清寧矣。尚何
有夜不成寐乎。若以安神藥必收斂。是猶執熱而反
令探湯矣。若錦宗兄小愛之症。一證矣。不附治驗。

總 火擾不寐。始曾聞 漿後猶云論似新
訣 烈火燎原。非易滅 莫輕歛志。與安神

論渴有虛實

咽喉乾燥則渴。然乾與燥。有虛實之分。乾爲虛。而燥
爲實。均屬肺病。咽喉屬肺。肺屬金。金生水。而畏火。金

虛則不能輪降。下之令猶之白露不降。水乏其本。華池乾涸。而渴從之。其渴稍飲卽止。俄頃又乾。喜熱而惡冷。聲音低小。脉必微緩。法當以補液湯。生其津液。而渴自止。實則金被火爍。虛燄如爐。五液可竭。而肺更何言。其渴百杯未足。俄頃又燥。喜冷而惡熱。聲非啞而卽厲。脉必洪數。法當以清金解渴湯。制其烈火。而渴自解。虛與實之別。辨有未確。更合之于神情症象。與夫痘之形色。一一而參考之。自無不得其真矣。

總 渴有咽乾肺屬虛 金虛補液自相宜

訣 烈火刑金咽更燥 火清方得救華池

附一虛渴治驗

吾郡吳二公祖。一公孫。四歲痘稠密而氣血兩虛。五朝以保元湯加芩歸淮地而得成漿。終不肥濃。八朝發渴。頻頻思飲。與之盞許卽拒。俄頃又乾。身熱不壯。神情懶倦。便亦不實。以補液湯加芪朮姜棗。服及十朝渴得漸解。脾氣亦實。減訶子黃芪。加茯苓白芍。十四朝眼白起紅。瞽多淚。以秦艽和解。飲減當歸牛旁。加甘菊穀精草。調治收功。

附熱毒發渴

同袍沈岸老一痘症。放點以至起脹。乾紅晦滯。平者半。陷者半。身涼而神却躁。頻頻腹痛。欲解不解。此毒火遏鬱使然。以鬆肌活血攻毒服。及五朝大便連去四五次。火毒一鬆。身卽壯熱。而神靜。色轉深紅。發渴不已。重以攻毒清火。八朝放白成漿。險變爲順。與一不韻者同事。惟恐虛寒繼至。減大黃石膏二劑。前症復然。更多不寐。而渴更甚。仍如前方。十四朝漸安。渴解。十六朝調理收功。

附首尾燔熱發渴

顧韞翁老先生一公。卽今佗老也。瘧出四歲。屬血熱毒盛。放黧色似臙脂漿。老盤猶燠赤。結痂燥硬。乾隄始終壯熱煩渴。初卽以涼血清火攻毒。進藥甚艱。服不及半。致熱毒難清。喜得進牛黃化毒散。不日服錢許。自七朝服至十六朝。熱毒漸減。幾一月始得全愈。熱渴難解如此。若魏氏論渴云。火非虛不發。一以保元湯加麥門五味。欲壯水之源。以制陽光。理固有之。其可以概施也耶。

論汗有補瀉

汗者液之派也。腎之液自毛竅出者爲汗。汗之是亦水也。可知其本於肺之通調四布而得潤乎一身。滋養四體。猶之白露下降。草木敷榮。是水藏則存而爲液。疏則洩而爲汗。洞則皮毛枯澀。鬱則肢體浮腫。寒則凝熱則沸。液汗之故也。亦多矣。但以痘瘡之汗而言。症順則存而色潤。氣虛則疏而汗洩。火沸則汗湧如淋。不可專以氣虛論也。痘如淡白無神。身溫體倦。種種合乎氣虛者。當以實表爲主。否則氣既已虛而

復汗洩於放標時。發必不振。繼必平陷。痒癩寒戰。灰
白。悉如蜂起。當以保元八珍湯。減枸杞。加白芍五味
以收之。如其紫色乾紅。煩渴壯熱者。以其火擾于內
而故水沸于外也。不拘首尾。當以清涼攻毒。飲以清
徹之外。有血熱之症。調劑得宜。不爲毒害。至痂落時
而有此汗者。是餘毒無所容。以汗而解也。驗其因汗
而適快者是也。固不宜飲。亦不宜清。惟以忍冬解毒
湯。減紅花。加當歸足矣。不可以過求也。凡火擾而水
沸者。七日前而誤飲之。巢毒閉塞。必成內潰。七日後

而誤飲之。餘毒不解。輕則纏延疲敝。重則一簣之功矣。

總 痘汗如何云表虛 身溫淡白不克肥
訣 紫艷身燔爲火沸 一虛一實少人知

附一治驗

一女七歲。痘未見點。壯熱如焚。靜則燥炙如烟。一轉側而汗卽沾衣。俄頃卽燥。動卽復然。次日見痘細密如麻。紫艷與紫紅各半。煩渴躁亂。以涼血攻毒飲。減山豆根。加紫草。服及四劑。顆粒分明。而汗

卽止五朝頭面肥潤。七朝通身放白行漿。自上而下。景象頗佳。但烈熱如故。絕不思食。神情尚楚。前方服至十朝。胃氣畧開。夜卧將半。頭面收結。茄色乾燥。身上將騰。而紅暈未收。熱終未減。前方減紫草服。及十三朝。通身復汗如蒸。逾時而燥熱等症。與夫寢食神情蒙蔽之象。頓開矣。方易前方以忍冬解毒湯。調治收功。然變幻之症。難以悉載。能以數項推類。以盡其餘。庶不爲似是者悞矣。